


...elkarrizketa

**Juan Luis Laskurain**

• BILBOKO MERKATARITZA
GANBERAKO ZUZENDARIA •

«Pixkanaka
'Guggenheim
efektuak' behe-
ra egingo du»

Gipuzkoako, Bizkaiko eta Arabako hotelak %40 bete dira urtariletik apirilera bitartean.

■ Zergatik eman da urtarila eta apirila bitarteko igoera?

Argi erakusten dute azken datuek, gero eta erakargarriagoak garela. Zentzu horretan, Guggenheim museoaren efektua eta igoera ekonomikoa azpimarratuko nituzke faktore garrantzitsutzat. Horiek lotuta daude bisitari kopuruarekin.

■ Guggenheim efektua sarri entzun dugu, baina denborarekin behe-
ra etorriko al da?

Nik uste normalena hori izango litzatekeela. Urtero milioi bat bisitari inguru izaten ari gara museoa zabaldu zenetik eta apurka-apurka kopuru hori beheraka joatea ez da harritzekoa izango. Konparazio gisa, Pradoko museoan milioi eta erdi bisitari izaten dituzte. Ondorioz, geurea ez dago batere gaizki.

■ Udan bete-betea sar-
tu gara, jarraituko al
du goranzko joerak?

Aurreikuspenen arabera kopurua mantendu egingo dela uste dut. Kontutan izan behar da, ekintza asko daudela prestatuta udara honetarako eta ondorioz, datozen bi edo hiru hilabeteetan turista asko etorriko dela. Hori ona da hostalarientzat.

Ekaitz Agirre
DONOSTIA

...esaera

«Negarrez bildu eta barrez jan»

...hizpideak

*Unionisten boikota Ipar Irlandako
bake prozesuari*

■ Ipar Irlandako bake prozesua hilzorian dago, baina ez hilik. UUP alderdiaren intransigentzia kolpe zorrotza izan da herrialde horretako bizilagun askok —ez soilik errepublikanoek— zituzten esperantzentzat. Unionistek agerian utzi dute euren benetako egitasmoa: bake prozesua boikoteatzea.

David Trimbleren jarrerak *cul de sac* batera eramán du bake prozesua. Gobernua osatzeko garaia heldu ahala, Ipar Irlandako lehen ministro eta UUPko buruzagiak trabak jarri dizkio iaz alde guztiek onartu zuten hitzarmenari. Trimblek agiri haietan idatzia ez zena irakurri nahi izan du baina inor gutxik sinetsi ditu argudio ozen bezain hutsal horien oinarriak, inolako arrazoinamendurik eskaintzen ez zutelako. Izan

ere, Ostiral Santuko Akordioaren arabera, IRAk 2000. urteko maiatzerako entregatu behar zituen, beranduenik, armak; ez Gobernua osatu aurretik, Trimblek exijitu duen bezala. Akordioaren atal horren kontra tematzeari egoskorkeria dei lekiok joko hori bestelako egoera batean agertuko balitz; tartean 3.500 lagun heriotza eragin duen gatazka dagoenean, oster, prozesua lehertzeko fede txarreko erabakia besterik ezin da izan.

UUPk ez du botere politikoa errepublikanoekin konpartitu nahi eta horregatik setati jokatu du errealtate politiko berria ignoratuz. Berarena izango da erantzukizun nagusia, geroan Ipar Irlanda lehenengo egoera zaharrera bueltatuko bada.

*Poliki baina
'xuxen'*

■ Euskarazko zuzentzaile ortografikoaren bigarren bertsioa aurkeztu dute IXA taldeak eta UZEIk. Hizkuntza indartsuagoak baino atzerago doa euskara teknologia berrietarako egokitzeko lanean, baina Xuxen Ilren aurkezpenak pausoak ere ematen direla erakusten du. Zuzentzaile gramatikala izan daiteke hurrengo urratsa, oraindik oso urrun omen dagoen itzultzaile automatikoaren bidean.

Justizia kontua, ez gradu kontua

■ Manu Legarretaetxebarría preso mungiarak hogeitau urte eta bost hila-bete daramatza espetxean. Urte luzeetan Euskal Herri-
tik ehunka eta baita milaka kilometrora egon izan da, eta soilik emaztea hil zitzaionean, duela bi urte inguru, ekarri zuten Euskal Herriko espetxe batera. Legarretaetxebarría 25 urteko espetxe zigorra ezarri zioten, eta bistakoa denez, Espainiako legedia kontuan hartuta aspaldian egon beharko litzateke

kalean, hiru laurdenak duela urte ugari bete baitzituen eta luditze edo zigor gutxitze soilak kontutan hartuta baita zigor osoa ere.

Espetxe Erakundeek hirugarren gradua ez ziotela eman —ez du erantzunik eman— eta presoak ez duela errekurritu jarri dute aitzakitzat epaileek. Horrelako kasu baten aurrean, ordea, Espetxe Erakundeek tri kimailuak ikusi eta justizia egiteko gaitasuna behar lukete epaileek.

...pertsonaiak



JOANE SOMARRIBA • Giroaren irabazleari omenaldia egin diote bere herrian, Sopelan. Udaletxeko harreraz gain, Larrabasterra auzoko Karmengo jaietako pregoilaria izan da.



DANIEL KALPARSORO • Zinemagile gazteak hiru aste daramatza bere laugarren pelikula filmatzen. *Asfalto* izango da Kalparsororen azken lanaren izena, eta Najwa Nimri izango da protagonistetako bat.



ROGER ESTELLER • Tau Baskonia saskibaloitaldean ariko dahirrengo denboraldian jokalaria kataluniarrak. Estellerrek Espainiako selekzioan jokatu du Europako azken txapelketa.

...datua

84.251 lagunek izango dute Saharako autodeterminazioari buruzko erreferendumean parte hartzeko aukera. Errolda NBek egin du, eta behin-behinekoa da.

...adierazpena

«Ez gaude euskal fiskalitatearen aurka, baina aplikazioarekin ez gaude konforme»

Karel Van Miert

Europako Batasunako komisarioa

... seiko urrea

XABIER GURRUTXAGA

Mundu berria



egin duen txostenaren edukia eta bertan azpimarratzen den ondorio nagusienetakoa bat honako hau da: herrialde garatu eta pobreenen arteko diferentziak erabat handitu egin direla azken hamarkadetan. Joera horren adierazle modura txostenean honako datu hau agertzen da: 60. eneko hamarkadan herrialde aberats eta pobreenen arteko diferentzia bat hogeitamarri bazen, orain berriz 1997an bat hirurogeitama-lauri da. Eta gainera kon-

tuan izan behar dugu, diferentzien handitze azelerazioa batez ere azken hamabots urte hauetan eman dela. Alegia, ekonomiaren globalizazioaren has-tapenarekin batera.

Dudarik ez dut ekonomiaren globalizazio prozesua atzeraezina dela eta gainera ez dela berez garatugabeko herrialdeen kontrako tresna. Gehiago esango dut: ekonomiaren globalizazioa ezinbesteko baldintza bat da garapen ekonomikoa eta teknologikoa garapen bajuko herrialde-

tara iritsi dadin. Beraz, mamua ez dago globalizazioan ezta ere teknologi berrietan, baizik herrialde garatuek garatugabekoekin erakutsi behar duten solidaritatean. Onartu behar dugu ekonomia global horrek sortzen zituen baliabideetatik parte handi bat herrialde garatugabeketan hazkuntza ekonomikoa eta aukera berdintasuna sustatzera bideratu behar direla. Hau da, guri dagokigun bizitza maila bati uko egiteko prest egon behar dugula herrialde pobreetako hiritarrek, beraien bizitza maila pixka bat hobetu dezaten. XXIgo mendeari dagokion utopia eta konpromisoa horixe baita. Horretarako ezinbesteko baldintza bat dago: gu geu kon-turatzeko ez garela gaizki bizi. Horretaz ez bagara jabetzen, jai zegok.